

समे – 12:25

<><><><><>

PM Chief Secretaries

प्रधानमंत्री नरेन्द्र मोदी होर अज्ज नमीं दिल्ली च मुख्य सचिवें दे चौथे राष्ट्री सम्मेलन गी संबोधत करडन। श्री मोदी होरें कल इस सम्मेलन दी प्रधानता कीती ही। त्रै दिनें तगर चलने आला एह सम्मेलन शुक्रवारें रंभ होआ हा। एहदा मकसद राज्यें दे सैहयोग कन्नै सांझे विकास एजेंडे दी समीक्षा ते अमलावरी जकीनी बनाना ऐ। सम्मेलन च केन्द्र ते राज्य सरकारें दी हिस्सेदारी गी निगगर करने ते सैहकारी संघवाद, तेज आर्थिक वृद्धि ते विकास च बेहतर तालमेल जकीनी बनाना ऐ। एहदे च सब्बने राज्यें ते केन्द्र शासत प्रदेशें दे मुख्य सचिवें, आला अधिकारी ते माहिर हिस्सा लै करदे न।

<><><><><>

PM LS JK

प्रधानमंत्री नरेन्द्र मोदी होरें भारती संविधान दी 75एं बरें दी गौरवशाली जात्तरा पर कल लोकसभा च जारी चर्चा दा परता दित्ता। इस मौके पर उनें देसै दी एकता लेई एनडीए सरकार आसेआ कीती गेदी बक्ख-बक्ख पैहलकदमिएं पर लोऽ पाई। उनें जम्मू-कश्मीर गी विशेष दर्जा देने आहली संविधान दी दफा 370 दा बी जिक्र कीता ते आखेआ जे इसी हटाना मता जरूरी होई गेदा हा कीजे एह देसै दी एकता च इक रुकावट बनी गेदी ही।

<><><><><>

BSF Jammu

सीमा सुरक्षा बल – बीएसएफ नै अंतर्राष्ट्री बन्ने कश जम्मू दे अरनीया सैक्टर च बन्ने पारा थमां नशीले पदार्थ दी तस्करी दी इक भैड़ी कोशश गी नाकाम बनाई दित्ता ऐ। बीएसएफ दे इक प्रवक्ता नै जानकारी दित्ती ऐ जे कल संज्ञां सोहगे जोआनें पाकिस्तानी ड्रोन दा पता लाइयै ओहदे कन्नै 495 ग्राम नशीले पदार्थ बरामद कीते। बीएसएफ दे जोआनें दी मुस्तैदी नै इक बारी फही राष्ट्र-बरोधी तत्वे दे भैड़ें मन्सूबें गी नाकाम बनांदे होई राष्ट्र सुरक्षा दे प्रति मजबूत वचनबद्धता दा प्रदर्शन कीता ऐ।

<><><><><><>

Helicopter Service

गृह मंत्रालय नै जम्मू ते मेंढर बश्कार रियायती दरें पर इक नमीं हैलीकाप्टर सेवा दी मंजूरी दित्ती ऐ। दूर दरेडे मेंढर सेक्टर लेई किफायती हवाई सेवा ते बेहतर संपर्क लेई पुट्टी गेदी एह इक ऐतिहासक गैह ऐ। एहदे कन्नै स्याले दरान मैडिकल एमरजेंसी दी सूरतै च बी बड़ी बड़्डी मदाद हासल होग। मेद ऐ जे भविक्ख च इस गैह कन्नै सरहदी सैलसफा गी बी बढ़ावा मिलोग। जम्मू कश्मीर दे शैहरी हवाबाजी सरबन्धी मैहकमे दे सचिव मोहम्मद ऐजाज अस्सद होरें दूर दरेडे इलाकें मेंढर गी स्याले दी राजधानी जम्मू कन्नै सिद्दे तौर पर जोड़ने लेई हैलीकाप्टर सेवा दा प्रस्ताह भेजेआ हा जेहदे पर केन्द्र सरकारै एह फैसला लैता ऐ।

<><><><><><>

National Lok Adalat

जम्मू-कश्मीर ते लद्दाख होईकोर्ट दे मुख् न्याऽधीश जस्टिस ताशी राबस्तन हुंदी सरपरस्ती हेठ जम्मू-कश्मीर च इस ब'रे दी चौथी ते आखरली लोक अदालत दरान कल बक्ख-बक्ख चाल्ली दे 2 लक्ख 33 जहार शा मते मामलें दा नबेड़ा कीता गेआ। आकाशवाणी संवाददाता दी रिपोर्ट मूजब, इस मौके कुल 2 लक्ख 33 जहार 48 मामलें गी नबेड़ेया गेआ। इस लोक अदालत लेई खडेरी गेदी 1 सौ उन्नतर बैचें आसेआ कुल 2 लक्ख 46 जहार 5 सौ नानवे मामलें दी सुनवाई कीती गई। इंदे चा मते सारे मामले, मोटर गडिडएं सरबन्धी हादसें आहले दावें, जिमीं अधिग्रहण, परोआरिक मामले, चैक बाउंस होने ते बैंकें दी रिकवरी कन्नै जुड़े दे मामले हे।

<><><><><><>

LG Tributes

लेफ्टिनेंट गवर्नर मनोज सिन्हा होरें लौह पुरुष ते देसै दे पैहले गृह मंत्री सरदार वल्लभ भाई पटेल होरें'गी उंदी पुन्नतिथि पर श्रद्धांजलि अर्पित कीती ऐ। सोशल मीडिया दी इक पोस्ट च एलजी होरें आखेआ ऐ जे सरदार वल्लभ भाई पटेल हुंदे आदर्श ते विचार इक मजबूत भारत दे निर्माण लेई सदा स्थाड़ा मार्गदर्शन करदे रौहडन।

<><><><><><>

Vijay Diwas

19 सौ 71 दी जंग च पाकिस्तान खलाफ हासल होई दी ऐतिहासिक जित्त दी 53मीं ब'रेगंड कल 16 दिसम्बर गी मनाई जाह्ग। 71 दी जंग गी नां छड़ा भारती फौज दे पराक्रम दे तौर पर सगुआं पूर्वी पाकिस्तान, जिसी बंगलादेश आखेआ जंदा ऐ, उत्थे जुल्मे—ज्यादतिएं दे शिकार लक्खां बद्धे लोकें गी पाकिस्तान दे शिकंजे थमां आजाद करोआने ज्नेई ऐतिहासिक गैह दे तौर पर बी चेतता कीता जंदा ऐ। एह ध्याड़ा ओकड़े दलेर जोआनें गी इक श्रद्धांजलि बी ऐ जिनें राष्ट्र दी एकता ते अखंड बरकरार रखने लेई अपना सर्वोच्च बलिदान देई दित्ता।

<><><><><><>

Director Tourism

सैलसफा मैहकमे दे डरैक्टर विकास गुप्ता होरें कल मैहकमे दे अफसरें, कर्मचारिएं ते होर दुए अमले कन्नै इक ताख्खी बैठक लाई ते मैहकमे दी योजना, प्रचार, पंजीकरण, संगठन, सांस्कृतिक कार्यक्रमें ते होरने बक्ख—बक्ख सीगें सेक्टरें साब्वै समीक्षा कीती। इस मौके उनें निदेशालय दे मनुक्खी वसीलें दी छमता निर्माण दे महत्व पर लोह पांदे होई आखेआ जे जम्मू च सैलसफा दे पूरे पराते विकास लेई जिम्मेदार सैलसफा कार्यक्रमें ते नीतिएं गी अपनाए जाने पर जोर भरेआ। इस दरान उनें सैलसफा विभाग दे मते महतवै आले आयोजन जम्मू मैराथन—2025 पर चेचा ध्यान दिंदे होई आखेआ जे इसी कामयाब बनाने लेई हर स्तर पर पूरी निष्ठा, तनदेही ते आपूं च नेड़मा तालमेल बनाइयै कम्म कीता जा।

<><><><><><>

Cricket

ब्रिस्बेन च भारत ते अस्ट्रेलिया बशकार जारी बार्डर—गावस्कर ट्रॉफी दे त्रीये टेस्ट मैच दे अज्ज दुए ध्याड़े अस्ट्रेलिया नै विकटें दे नुकसान पर रन्ज बनाई लैते दे न। अज्ज खेड़ढ दे पैहले सत्र च भारती तेज गेंदबाज जसप्रीत बुमराह नै दौनें सलामी बल्लेबाजें गी आउट कीता। तोआई हॉकी च अज्ज ओमान दे मस्कट च महिलाएं दे जूनियर एशिया कप 2024 दे फाईनल च भारत दा मुकाबला चीन कन्नै होग। भारत नै कल होए दे सेमीफाईनल मुकाबले च जपान गी 3—1 कन्नै शिकस्त दित्ती ही।

<><><><><><>